

# ACTA DA SESIÓN ORDINARIA DO PLENO DA CORPORACIÓN MUNICIPAL FEITA O DÍA 12 DE MARZO DE 2020.-

## ASISTENTES:

**ALCALDE:** D. Francisco Quintela Requeijo

**CONCELLEIROS/A:** D. Juan Carlos García Barreiro, D<sup>a</sup>. María Yolanda Valiño Pena, D. Francisco Manuel Crespo Gómez, D. Jorge Boado Presas, D<sup>a</sup>. Mónica Álvarez Martínez, D. Rubén Martínez Valiño, D. José Manuel Vara García e D<sup>a</sup>. Pura Ferreño Saia.

**SECRETARIO:** D. Antonio Gómez-Iglesias Casal.

Na Casa do Concello de Coirós, ás vinte e unha horas e dez minutos do día doce de marzo de dous mil vinte, comeza a sesión ordinaria, en primeira convocatoria, do Pleno da Corporación Municipal, presidida polo Sr. Alcalde e coa asistencia das persoas que máis arriba se relacionan.

## 1.- ACTA ANTERIOR.-

Inda que pola data en que se fixo a sesión anterior (á noite do pasado día lunes 9 de marzo) foi imposible a envío da acta da mesma coa convocatoria desta sesión, como dita acta foi enviada a todos os concelleiros/as o seguinte día 10 de marzo, por unanimidade dos asistentes acórdase aprobar a acta da sesión anterior, de data nove de marzo de dous mil vinte.

## 2.- RATIFICACIÓN DOUS DECRETOS DA ALCALDÍA.-

Soméntese a ratificación do Pleno oS Decreto da Alcaldía núms. 13 e 36/2020, de 7 de febreiro e 6 de marzo de 2020, respectivamente que literalmente din:

**“ASUNTO:** APROBACIÓN PROXECTO CORRIXIDO DE OBRA MELLORA DE IP DE COIRÓS CENTRO (POS+ 2020)

**EXPEDIENTE:** 2020/G003/000014

### **ANTECEDENTES:**

*Vistos requirimento realizado pola Deputación Provincial referentes á obra denominada Mellora*

*rede de iluminación pública en Coirós Centro para as que se solicitou a súa inclusión no POS+ 2020, con cargo a la anualidade 2019, polo que se pedía a corrección de erros no proxecto correspondente a dita obra*

*Visto que o proxecto foi modificado convenientemente, e que dita modificación responde a cuestións que non afectan á natureza e finalidade dos investimentos nin a súa valoración económica*

*No uso das atribucións que me outorga a lexislación do réxime local,*

### **RESOLVO:**

*Aprobar o modificado de proxecto da obra Mellora rede de iluminación pública en Coirós Centro, que foi realizado polo seu redactor inicial don Ramón Romero Lojo, toda vez que as modificacións responden a cuestións que non afectan á natureza e finalidade dos investimentos nin a súa valoración económica.*

*En Coirós, venres 7 de febreiro de 2020”*

**“ASUNTO:** APROBACIÓN MODIFICACIÓN PROXECTO POS+ 2020. ANUALIDADE 2019, ASINADO POR RAMON ROMERO LOJO O 05/03/2020.

**EXPEDIENTE:** 2020/G003/000037

**ANTECEDENTES:**

*Vistos requirimento realizado pola Deputación Provincial referentes á obra denominada Mellora*

*rede de iluminación pública en Coirós Centro para as que se solicitou a súa inclusión no POS+ 2020, con cargo á anualidade 2019, polo que se pedía a corrección de erros no proxecto correspondente a dita obra*

*Visto que o proxecto foi modificado convenientemente e asinado polo seu redactor con data 05/03/2020, e que dita modificación responde a cuestións que non afectan á natureza e finalidade dos investimentos nin a súa valoración económica*

*No uso das atribucións que me outorga a lexislación do réxime local,*

**RESOLVO:**

*Aprobar o modificado de proxecto da obra Mellora rede de iluminación pública en Coirós Centro, que foi realizado polo seu redactor inicial don Ramón Romero Lojo e asinado o 05/03/2020, toda vez que as modificacións responden a cuestións que non afectan á natureza e finalidade dos investimentos nin a súa valoración económica.*

*En Coirós, venres 6 de marzo de 2020”*

Sometida a votación a ratificación dos decretos transcritos, a Sra. Ferreño abstense e votan a favor o resto dos asistentes polo que o Sr. Alcalde declara ratificados os decretos por maioría absoluta.

A Sra. Ferreño en explicación de voto di que a súa abstención é por congruencia, xa que na votación que aprobou o acordo que está afectado por estes decretos ela abstívose.-

**3.- MODIFICACIÓN PUNTUAL NÚM. 4 DO PXOM.-**

Preséntase a aprobación a proposta de acordo que consta no informe técnico-xurídico presentado polos servizos técnicos e xurídicos do concello, no expediente de modificación puntual núm. 4 do Plan Xeral de Ordenación Municipal, que literalmente di:

“**1.-** Proceder por parte do Pleno Municipal á **APROBACIÓN INICIAL** da Modificación Puntual.

**2.-** A Modificación, con todos os documentos integrantes do expediente tramitado será sometido ao TRÁMITE DE INFORMACIÓN PÚBLICA durante o prazo de dous meses mediante anuncio que se publicará no Diario Oficial de Galicia e en nun dos xornais de maior difusión na provincia. (art 60.6 da LSG)

**3.-** Daráselle traslado da documentación á D. X. De Urbanismo como órgano competente en materia de urbanismo para dar audiencia aos municipios limítrofes e solicitude dos preceptivos informes sectoriais autonómicos. Debendo remitir o resultado ao Concello de Coirós

**4.-** O Concello de Coirós solicitará os preceptivos informes sectoriais – non autonómicos- as seguintes administracións:

**- Delegación do Goberno.**

*Disposición adicional segunda da Lei 13/2003, do 23 de maio, reguladora do contrato de concesión de obras públicas, artigo 5 da Lei 34/1998, do 7 de outubro, do sector de hidrocarburos, artigo 5 da Lei 24/2013, do 26 de decembro, do sector eléctrico, e artigo 68 do Real decreto 1434/2002, do 27 de decembro, polo que se regulan as actividades de transporte, distribución, comercialización, subministración e procedementos de autorización de instalacións de gas natural.*

**- Confederación Hidrográfica Galicia- Costa**

*Artigo 25.4 do RDL 1/2001, do 20 de xullo, polo que se aproba o texto refundido da Lei de augas, e artigo 22.3 do RDL 7/2015, do 30 de outubro, polo que se aproba o texto refundido da Lei do solo e rehabilitación urbana.*

**- Ministerio de Industria, Enerxía e Turismo- TELECOMUNICACIÓNS**

*Artigo 35 da Lei 9/2014, do 9 de maio, de telecomunicacións.*

**- Deputación de A Coruña. Vías e obras**

Como titular das estradas nas que se propón a modificación de aliñacións

**5.-** Suspensión de licenzas. De conformidade co artigo 77º da LOUG o acordo de aprobación inicial determina por si só a suspensión do outorgamento de licenzas, poderase non obstante concederse licenzas baseadas no vixente réxime (PXOM) que respecten pola súa vez as condicións do novo planeamento.”

A Sra. Ferreño pregunta cal é o motivo desta modificación.

Contéstalle o Sr. Secretario dicindo que coa última lei de estradas se estableceu unha liña de separación de peches e edificacións das estradas provinciais de 15 metros dende o eixo da vía, con carácter xeral tanto en solo rústico como no de núcleo rural, e o que se trata con esta modificación é de que esa liña a aplicar sexa a que establecía o noso Plan Xeral para as estradas provinciais ao seu paso polos núcleos rurais, que reducen considerablemente a liña de separación de peches e construcións. Esta modificación foi formulada de acordo cos técnicos da Deputación, así como con patrimonio e urbanismo.

Sometido o asunto a aprobación, por unanimidade dos asistentes apróbase a proposta feita no informe técnico-xurídico, que se transcribiu.

**4.- DECLARACIÓN INSTITUCIONAL SOBRE O 8 DE MARZO PRESENTADA POLO PP.-**

A Sra. Alcalde le o contido da declaración redactada pola Federación Española de Municipios e Provincias, por acordo de todos os partidos políticos representados na mesma, que propón a adopción do acordo que, literalmente, di:

*“- Invitar a todas las Entidades Locales a adherirse a esta Declaración y nos sumamos a todas las voces que claman por un futuro sin discriminación por razón de género, donde hombres y mujeres formen parte de nuestra sociedad en igualdad de derechos y responsabilidades.*

*- Reconocemos las medidas de la Plataforma de Acción de Beijing como eje estratégico de trabajo y asumimos, como propias, las esferas de especial preocupación: pobreza, educación y capacitación, salud, violencia, conflictos armados, economía, poder y toma de decisiones, mecanismos institucionales, derechos humanos, medios de comunicación y medio ambiente.*

*- Reafirmar nuestro compromiso con la ciudadanía y con sus necesidades, con la igualdad de trato y de oportunidades y con el mandato constitucional que persigue el pleno establecimiento de una igualdad real y efectiva.*

*- Reconocemos que la desigualdad se fundamenta en creencias y comportamientos con base estructural diversa, y asumimos la importancia de promover acciones formativas y de sensibilización social.*

*- Ratificamos nuestro compromiso con la Agenda 2030 para el Desarrollo Sostenible y con su Objetivo nº 5, relacionado con la Igualdad de Género, y reconocemos a los colectivos víctimas de discriminación múltiple, muchas veces ocultos hasta ahora, como el de las mujeres con discapacidad.*

*- Insistimos en la necesidad de intensificar los esfuerzos en el desarrollo de políticas encaminadas a fomentar el empleo y el emprendimiento, la educación para la igualdad de oportunidades, la incorporación de las mujeres a la sociedad de la información y el apoyo a las mujeres que viven en el ámbito rural.*

*- Reclamamos la necesidad de dotar a las Entidades Locales de los medios necesarios para llevar a cabo las competencias fijadas en el Pacto de Estado en materia de Violencia de Género para garantizar el impulso de actuaciones que contribuyan a la convivencia, el progreso y el desarrollo social y económico sostenible.”*

Intervén a Sra. Ferreño e di que lamentablemente estas declaracións quédanse en iso, declaracións, pero non con medidas concretas. Nelas non hai compromisos e , en realidade as mulleres están realizando traballos precarios, sobre todo no ámbito dos coidados. Por iso anuncia a súa abstención.

Sométese o asunto a aprobación, votando a favor todos as asistentes, agás a Sra. Ferreño e o Sr. Vara que se absteñen, polo que o Sr. Alcalde declara aprobada a declaración por maioría absoluta.

### **5.- MOCIÓN DO BNG SOBRE O 8 DE MARZO.-**

A Sra. Ferreño fai unha introdución e defensa da súa moción, partindo das iniciativas do movemento feminista e tratando que as administracións asuman esta proposta, que propón a adopción do acordo, que literalmente di:

“1. Recoñecer e apoiar as convocatorias do feminismo galego auto-organizado que neste 2020 colocan no centro do debate os coidados e as consecuencias para as mulleres galegas do sistema económico, social e político no que vivimos, que non podería sosterse sen caída dos que se desenvolven en moitas ocasións de forma gratuíta ou a través da precarización de moitas mulleres, comprometéndose a traballar para que os poderes públicos contribúan a superar esta situación.

2. Demandar da Xunta de Galiza o seu compromiso coa realización de estudos periódicos sobre o valor social e económico do traballo do fogar e do coidado. A comezar por:

2.1. Dar cumprimento ao artigo 29.3 do Decreto legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galiza en materia de igualdade e realizar as actuacións necesarias para que no primei ro semestre de 2020 estea en marcha o desenvolvemento dunha nova Canta Satélite da Produción Doméstica.

2.2. Realizar as actuacións necesarias para que no ano 2020 se desenvolva un profundo estudo, en colaboración coa universidade galega, do reparto do tempo nos fogares galegos.

2.3. Comprometerse a iniciar a elaboración Plan de Dignificación e Visibilización dos Coidados co fin de valorizar e divulgar entre o conxunto da poboación galega a súa relevancia económica e social e as consecuencias que supón para o exercicio dos dereitos das mulleres o desequilibrio que persiste na actualidade así como as vantaxes sociais dun reparto equitativo dos tempos entre homes e mulleres.

3. Demandar da Xunta de Galiza a asunción dos programas relativos á Dependencia para garantir a súa prestación universal e en igualdade para todas as persoas usuarias, sen que iso dependa do Concello de residencia (con capacidades económicas diferentes, e que fai que por exemplo, os Concellos máis pequenos do interior xeralmente cunha media de idade máis alta, teñan que suspender a prestación dos servizos por non poder facer fronte ao complemento que a Xunta abriga a pagar aos Concellos). Transitoriamente, demandar da Xunta de Galiza e do Goberno central, o incremento da súa dotación orzamentaria de forma que se garanta a continuidade dos servizos e se melloren as condicións laborais e salariais das traballadoras.”

Intervén a Sra. Valiño e di que o seu grupo están de acordo con todo o da moción presentada, menos coa referencia aos recortes, xa que non é certo, pois non so non houbo recortes, se non que houbo incremento de fondos destinados a isto. Hai cousas concretas coas que non estarían de acordo, pero en xeral, si. Primeiro debería pedírselle ao Estado que cumpra coa achega de fondos que lle corresponde. De todas formas o seu grupo vai votar a favor da proposta.

Sometido o proposta a aprobación a mesma queda aprobada por unanimidade dos asistentes.

## **6.- INFORME DA ALCALDÍA.-**

Dende os Servizos Municipais de Xuventude, Sociais, e Biblioteca infórmase do seguinte:

### **Servizos Sociais.**

#### **\* ÁREA MAIORES**

- **ACTUACIÓNS DO CORO.** O grupo de canto preparou nestes últimos ensaios a actuación para a celebración do día de Rosalía de Castro en Betanzos (venres, 28/02/19 ás 19:00 h), e o do “Día da Muller Traballadora” (09/03/20 ás 19:00 h.) en Coirós, tódalas participacións foron seguidas por unha importante afluencia de público.

- **PROGRAMA DE TERMALISMO SOCIAL DO IMSERSO.** Infórmase que como tódolos anos por estas datas, segue aberto o prazo de presentación de solicitudes para o Programa de Termalismo Social do IMSERSO, no que poden participar os pensionistas de xubilación e invalidez, e os pensionistas de viuvez e outros con 60 anos. Sendo as quendas de 12 días (11 noites), nos balnearios das distintas CC.AA. Segundo recolle o listado facilitado polo IMSERSO. Os prazos, segundo se informa na web municipal e nos bandos distribuídos por tódalas parroquias establécense segundo as quendas solicitadas:

- **Quendas de SETEMBRO a DECEMBRO, ata o día 15 DE MAIO DE 2020**

#### **\* ÁREA FAMILIA**

- **PROGRAMA DE ENTREGA DE ALIMENTOS** O concello espera recibir o próximo 12 de marzo, a entrega da 3ª fase do PLAN 2019 “AYUDAS CE” , que distribúe a entidade CRUZ VERMELLA, entregaranse, e requiríuse a documentación oportuna ás familias, para valorar as necesidades e o cumprimento dos requisitos para as entregas posteriores (durante o 2020).

#### **\* SUBVENCIONES**

- Tramitada en prazo (28/02/19) a solicitude do programa de financiamento dos SS.SS. Comunitarios Municipais no ano 2020 (Deputación da Coruña BOP Nº 19, do 29 de xaneiro de 2020).

- Tramitada en prazo (19-26/02/20) a xustificación do programa de financiamento dos SS.SS. Comunitarios Municipais no ano 2019 (Deputación da Coruña BOP Nº 12, do 17 de xaneiro de 2019).

### **Oficina de Información Xuvenil**

#### **FESTA DO ENTROIDO**

O pasado martes día 25 de febreiro celebrouse a festa do Entroido no polideportivo municipal, que transcorreu sobre o previsto contando con grande afluencia de público, especialmente nenos, para os que se contou con animación infantil e música. Ademais, houbo concurso de sobremesas e concurso de disfraces con abundante participación, orquestra e merenda para os nenos/as.

### **CAMPAÑA DE ESQUÍ E CAMPAMENTOS DEPORTIVOS DE VERÁN**

O Concello participou na campaña de esquí promovida pola Deputación da Coruña, que concedeu 4 prazas a este municipio para viaxar durante 4 días á estación invernal de Cabeza de Manzaneda. A actividade desenvolveuse na semana do 21 ó 24 de febreiro.

#### **CAMPO DE TRABALLO “MONTE DA ESPENUCA”**

O Concello ven de presentar o proxecto, por cuarto ano consecutivo, para a realización dun campo de traballo internacional para realizar labores de voluntariado ambiental no entorno do Mandeo e Espenuca. A labor fundamental que realizan as persoas voluntarias consiste na eliminación de especies exóticas invasoras. As datas de celebración serán do 9 ó 20 de agosto.

#### **REDE CULTURAL**

Está aberto o prazo para a solicitude de grupos musicais, teatro, danza, etc. dentro do programa “Rede Cultural” da Deputación da Coruña, que facilita ós Concellos programar actuacións culturais para o 2020, subvencionando o 75% dos espectáculos.

#### **PROGRAMA DE COMPOSTAXE DOMÉSTICA**

O próximo 26 de marzo teremos unha xornada de asesoramento de continuidade do programa de compostaxe iniciado no mes de decembro. A reunión vai dirixida ás 24 familias que teñen composteiro no domicilio e o obxectivo é o intercambio de experiencias e a supervisión por parte da especialista.

#### **Centro de Información á Muller (CIM).**

O CIM segue coa labor de educación en Igualdade realizada pola axente de Igualdade nas escolas unitarias do Concello un día a semana.

A finais de marzo realizarase no CIM o Programa “VOLVORETA IV” en colaboración da Asociación Daleth. Impartiranse 5 módulos relacionados coa Intelixencia Emocional, desenvolvemento e “coaching persoal” para as mulleres vulnerables. Nesta actividade poden participar as mulleres dos Concellos que están conveniados con Coirós.

O CIM da continuidade as actividades de: Bordado, Bainica, manualidades, restauración e tapicería.

A Corporación quedou informada.

#### **6.- ROGOS E PREGUNTAS.-**

A Sra. Ferreño di que hai dous camiños que van a dúas fontes públicas que están casi pechados pola maleza e habería que limpalos. Os camiños son: Un en Figueiras que leva a Fonte do Xousal, e outro é o que vai a fonte que hai en Espenuca no medio das casas onde se fixo traballos polo concello pero o camiño agora está pechado.

Habería que darlle unha volta a todas as fontes e lavadoiros.

O Sr. Alcalde di que toma nota.

E non habendo máis asuntos que tratar, o Sr. Alcalde levantou a sesión sendo as vinte e unha horas e trinta e cinco minutos, do que eu, Secretario, dou fe.

**O ALCALDE**

**O SECRETARIO**